



**Broj:** 11-19/2-11-2-3574/24

**Datum:** 19.11.2024. godine

Na osnovu člana 43. i člana 45. stav 2. i stav 3. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki u 2024. godini, v.d direktor, d o n o s i :

## O D L U K U

### o poništenju postupka javne nabavke torbe za transport eksplozivne naprave

#### I

Prihvata se prijedlog Komisije za provođenje konkurentskih i pregovaračkih postupaka nabavke u postupku javne nabavke torbe za transport eksplozivne naprave, te se isti **poništava** u skladu sa odredbom člana 69. stav (3) Zakona o javnim nabavkama BiH.

#### II

Za izvršenje Odluke zadužuje se Sektor za finansije i javne nabavke Federalne uprave policije.

#### III

Ova Odluka objaviti će se na internet stranici Federalne uprave policije.

#### IV

Odluka stupa na snagu danom donošenja.

## O B R A Z L O Ž E N J E

Postupak je provela Komisija za provođenje konkurentskih i pregovaračkih postupaka nabavki u 2024. godini, broj Rješenja o imenovanju 09-19/1-30-2-15 od 04.01.2024. godine i Rješenje o izmjeni rješenja, broj: 11-11/4-30-2-15/24 od 18.09.2024. godine.

Javna nabavka je provedena putem konkurentskog zahtjeva za dostavu ponuda.

Federalna uprava policije je provela konkurentski postupak Javne nabavke torbe za transport eksplozivne naprave, broj Obavještenja o javnoj nabavci: 1412-7-1-348-3-167/24, sa procjenjenom ukupnom vrijednosti ugovora u iznosi od 27.000,00 KM bez PDV-a.

U postupku je utvrđeno da je Komisija u svemu pravilno postupila, te da je preporuka data u skladu sa Zakonom o javnim nabavkama i tenderskom dokumentacijom.

Naime, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda ponuđača: „MM Trade“ d.o.o. Široki

Brijeg; „Danial's“ d.o.o. Tešanj i „SHOT“ d.o.o. Zenica dana 15.11.2024. godine u 13:00 sati kako je i predviđeno Tenderskom dokumentacijom.

Komisija je naknadno dana 18.11.2024. godine aktom broj: 19-19/2-228/24 od 15.11.2024. godine obaviještena od strane Odsjeka za pravne, opće i kadrovske poslove Federalne uprave policije da je u roku predviđenom Tenderskom dokumentacijom dana 15.11.2024. godine u 11:30 sati pristigla i ponuda ponuđača „ATEX“ d.o.o. Sarajevo, ali da ista nije uredno dostavljena Komisiji za provođenje konkurentskih i pregovaračkih postupaka za 2024. godinu. Ponuda ponuđača „ATEX“ d.o.o. Sarajevo nije otvarana iz razloga što je Tenderskom dokumentacijom predviđeno Javno otvaranje ponuda dana 15.11.2024. godine u 13:00 sati, a istu je Komisija naknadno zaprimila.

**NAPOMENA:** u ranijem periodu je traženo mišljenje Agencije za javne nabavke, te je od istih zaprimljen odgovor aktom broj: 04-02-1-324-2/23 od 10.02.2023. godine koji između ostalog navode da u skladu sa članom 103. stav (1) tačka a) Zakona, povrede postupka prilikom otvaranja ponuda predstavlja apsolutno bitnu povredu zakona, pa u ovom slučaju jedino može doći do poništenja postupka javne nabavke. Obzirom da je Ugovorni organ propustio otvoriti jednu ponudu, ne postoji Zakonom predviđen način na koji bi se mogla prevazići takva situacija. Naime, ponuđač čija ponuda nije otvorena zajedno sa ponudama ostalih ponuđača doveden je u neravnopravan položaj. Bilo kojim daljim postupanjem ugovornog organa, osnovni principi Zakona ostaju narušeni. Dalje u odgovoru Agencije se navodi kako je preporuka Agencije da ugovorni organ u konkretnom slučaju poništi postupak javne nabavke.

Zbog navedenih razloga i uzimajući u obzir preporuke Agencije za javne nabavke Komisija je Ugovornom organu predložila da se predmetni postupak javne nabavke poništi u skladu sa članom 69. stav 3. Zakona o javnim nabavkama BiH.

Iz navedenih razloga, a primjenom člana 69. stav (3) Zakona o javnim nabavkama, odlučeno je kao u dispozitivu ove Odluke.

**Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.



Dostaviti:

- Sektor za mat. fin. Poslove
- u spis